



04. august 2009

UKA 2009/52

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiupparput:

Nukissiuutit ataavartut, soorlu erngup nukinganik nukissiorfeeqqat, anorisaatit seqinermillu nukissiorfiit pilersinneqartarnissaannut nunaqarfiit suliffeqarfillu ilanngullugit aningaasaliiffigineqarsinnaanngorlugit, savaatilinnut ESU-mik aaqqissuussaq ilassuteqarfigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni Siumup ilasortai)

Tunngavilersuut:

Ukiuni arlaqalersuni savaatillit, nunaqarfimmiut allallu suliffeqarfiit saqqummiuttarpaat innaallagissamik atuinnermini nutaanik periarfissaqalerusunnertik pisortanit periarfissinneqaqullugu.

Tamatumani eqqarsaatigineqarput ataavartumik nukissiuutit atorlugit nukimmik pilersitsisinnaaneq, soorlu erngup nukinganik nukiliorfeeqqat, anorisaatit, seqernup nukinga atorlugu aaqqiinerit, il.il. Periarfissat taamaattut savaatilittut ingerlatsinermi ESU-mi attartornermut maanna aaqqiivi-gineqarnissaat savaateqarnerup iluani imaluunniit ESU-mi malittarisassatigut allannguummik aaqqiivigineqassasoq nunaqarfiit allallu suliffeqarfiit ilanngullugit matumuuna siunnersuutigaarput. Taamatut Naalakkersuisut peqquneqarnissaannik inatsisartut aalajangiiffigisassaattut siunnersuut taperseqqullugu kaammattuutigaarput.

Ilanngullugu eqqaasitsissutigisariaqarparput siunnersuut una silaannaap kissakkiartorneranut akiuiniutissat ilagissammasuk, ataavartumik nukissiorfiit atorlugit innaallagissiorfeeraliortalersinnaaneq Nunatta uuliamik pisariaqartitsineranik millisitsiinnarani aamma CO2-mik aniatitsinermik millisitsissaaq, taamaammallu Naalakkersuisunit taparserneqanngitsoorsinnaanani.